

2007

ԵՐԱԳՈՒ

193

Թ.Ե Ի՞նչ կը ԽՈՐՀԻՆ

ԿԻՆԵՐԸ

ԻՐԵՆՑ ԱՄՈՒՍԻՆՆԵՐՈՒ ՄԱՍԻՆ



ՈՒՂԵՐՁ ՄԲ,

ԿԱՌՈՅՑՈՒԹԻՒՆ ՀԵՊԼԻՇԱԿԻ ՄԱՍԻՆ,

ՎԵՐՋԱԲԱՏԻ՝ ԹԱՐԴՄԱՆՏՎԱՆ



Թարգմ. Մ. ԿԻՒՐՃԵՍԻՆ

(ՀՐԱՆՈՒ)



Կ. ՊՈԼԻՍ
ՑՊԱԳՐՈՒԹԻՒՆ Յ. ՄԱՏԹԷԼՈՍԵԱՆ

1909

16199

Շնորհաշուի Տիկին Արքական Դաւիթեան,

Տիկին,

Գրքի ծեւով անդրանիկ հրատարակութիւնս է աս, եւ պատիւ կը համարիմ անունիդ ծօնել թարգմանութիւնս:

Թերեւս, կիներու համար, ամենէն համեստ, այլ, միեւնոյն ատեն, ամենէն աւելի շահեկան, ամենէն աւելի օգտակար գրուածքն ըլլայ իրենց տիկինութեան շրջանի մէջ:

Ու Զեզի կը ծօնեմ սա խորին համոզմամբ որ լմ' ւ տիկիններէն էք, ծանօթութիւն ունենալով այն առողջ մտքին որ անկաշկանդ երեւան եկաւ, ճեր թարմ տարիին մէջ, դէպի աղուոր պարտականութիւնները, ու նաեւ այն ատեն որ շատ գրուվալից տեսած էի Զեզ կանացի պատմական անցքերու:

Հայ կիներու տուէք, Տիկին, կիներու համար մոռածուած սա քանի մը թերթիկները: Անշուշտ եղէք թէ բարերար ազդեցութիւն մը պիտի ունենան ամուսնական կեանքի մէջ, ու պիտի ըլլայ որ, կոչում ընելով պարտականութեան խոր զգացումին, վանեն ուռած սեւ ամսպ, ընտանեկան յարկի վերեւ, յանկարծ սպաւնալից կախուած մէկ երկու անշնորհ բառերէ:

Ու երշանիկ չէք ըլլապ որ այս անո՞ւշ աշխատանքիս մէջ դեր մը տրուի Զեզի. — հեղինակին ոգլն, հայեցի տարազով մարմնացած, անունովդ լրս ելլէ ու երթայ խօսելու, հարիւրաւոր բերաններով, համազգի քոյրերուդ:

Անկասկա՞ծ եղէք իր օգտակարութեանը: Մարդկեղէն սրտի տկարութեանն ու ֆածութերու հմայրին, -- դիպու բոպէի մը մէջ արտասանուած անուշ խօսքերու հմայրին — միապէս

10123-57

հաւատացող եմ: Առիթ ունեցայ օր մը, թարգմանութեանս
ծեւագիրը կարդալու բարեկամուհի տիկնոջ մը: Շատ գոհութեակ
երեցաւ. ու, պատիպատ դարձուածքով, ուզեց հասկցնել որ
եթէ այդ տողերը առաջուլնէ կարդացած կամ լած ըլլար,
թերեւս երբեք տեղի չի տար մանր մունք անզգուշութեանց
որոնք հիմա ապաշաւ մը կ'ըլլային իրեն:

Արդ, այս թերթիկներուն ընթեցումը գոհութեակուրիւն
յառաջ թերէ եւ կամ ապաշաւ, երկուքն ալ օգտակար են, ա-
ռաջինը խրախոյս մը ըլլալով դէքի պարտականութիւնները
ընտանեկան յարկի տակ, եւ միւսը՝ խափանարար մը չնա-
խստեսուած չարիբներու դէմ:

Օգտակարութիւն մը չէ ատ, Տի՛կին:

27 Օգոստս 1906

ԿԻՒՐԱՆ



ՀԵՂԻՆԱԿԻՒՄԱԿԻՒՄ



Դեմեարիոս Երազմոս կամ ինչպէս կ'ըսուի հասարակա-
րար, Երազմ, ծնած Ռոբերտամի մէջ 28 Հոկտեմբեր 1469, եղած
է իր ժամանակին ամենէն գլուխ մարդը: Մինչեւ ինը տարե-
կան, Երգեցիկ տղոց խումբին մէջ տիրացու է. յետոյ կը զրկուի
Տըլմանդէրի⁽¹⁾ գարոցը ուր կը զարգանան անոր իմացական կա-
րողութիւնները շքեղափառ ու հզօրապէս:

Հաղիւ տասնըշրոս տարեկան, որք մնաց պատմական մեծ
դէմերու դժբախտ մանկութեանը պէս. ու, ինամականներէն
ստիպուած, վանք մոտաւ տասնըշրոս տարեկանին մէջ: Թարե-
բախտաբար սակայն, Քամպրէյի եպիսկոպոսին շնորհիւ, դուրս
հանուեցաւ այդ արգելափակ կեանքէն, ու, այնուհետեւ, գնաց
Փարիզ՝ իր աստուածաբանական ուսումները կատարելագոր-
ծելու համար: Այցելեց Խոպիոյ զիսաւոր քաղաքները, անցաւ
Անգլիա ուր մնաց Երկար տարիներ՝ յունարէն լեզուն դասախո-
սելով Օքսֆորտի համալսարանին մէջ:

Երազմ ընդարձակ հմտութիւն ունեցած է, սուր մտքի
տէր եւ շատ լաւ մշակեալ ճաշակով մը օժտուած: Իր նկա-
րագրին անկախութիւնն ու անվրդով կեանքի սէրը՝ իրեն նա-
խսպատիւ համարել տուին, ամէն պատիւներէ ու աստիճան-
ներէ վեր, ուսումնական բարիութիւն եւ առանձնութիւն:

(1) Հովանոսական քարտար:

Գրական վերսածնութեան ռահորդներէն է։ Իր բոլոր երկասիրութիւնները ունին կարեւոր արժէք մը իրենց նիւթին շահնեկանութիւնովն ու գասական ոմի գեղեցկութիւնով։ Տակաւին այսօր ալ կը յիշատակուի իրեն լաւագոյն լատինաբան մը իր դարուն։ Սէնդ-Պէօփի սա քանի մը տողերը, իր ժղանքէն (causerie) առնուած, կը բաւեն իրեն վերջաբան մը հեղինակին համար։ «Երազմ չափաւոր Վոլթէր մըն է, Ֆոնդընէլ մը՝ աւելի ողջ գրական ճաշակով, Ռապըլէի կարապետ մը՝ առանց հարբածութեան, իմաստուն մը որ, շատ կանուխ, տեղաւորուած է երկու ծայրայեղ կուսակցութեան մէջտեղը⁽¹⁾, եւ, չկրնալով յարիլ ո՞չ մէկուն եւ ո՞չ միւսին, թոյլտուութիւն կը ինդրէ չեղոք մնալու»։

Թ.Ա.ՐԳՒՄԱՆԻՉԻ



(1) Այսինքն թէ Երազմ չընդգրկելով Լութերի Բարեկարգութիւնը, միւնքոյն ատեն զատագարած է շատ բաներ ալ որոնք պապականութեան մէջ զործ կը արուեն, ու այդ իսկ պատճառաւ Կափատախներու նշաւակ եղած է եւ կաթոլիկներէն եւ բողոքականներէն։

ԵՐԱԾՈՒՅՈՒՆ

ԹԷ Ի՞ՆՉ ԿԸ ԽՈՐՃԻՆ

ԿԻՆԵՐԸ

ԻՐԵՆՑ ԱՄՈՒՍԻՆՆԵՐՈՒ ՄԱՍԻՆ

ԵՒԼԱԼԻ, ՔՍԱՆԹԻՊՈՅԵ

Եւլալի. — Բարեւ, ցանկալի՛րդ Քսանթիպպէ, բարեւ։

Քսանթիպպէ. — Աստծու բարին, անձկալի՛դ Եւլալի։ Սովորականէն գեղեցիկ կերեւաք ինծի այսօր։

Եւլալի. — Ծաղրանքո՞վ դուռ կը բանաք ձեր ընդունելութեանը։

Քսանթիպպէ. — Ստուգիւ ոչ. անկեղծօրէն կը սեմ որ այդպէս կերեւաք ինծի։

Եւլալի. — Թերեւս նոր շրջազգեստս է զիս գեղեցկացնողը :

Քսանքիպպէ. — Լաւ կռահեցիք : Երկար ժամանակ է որ այդպիսի սիրուն բան մը տեսած չե՞մ : Կարծեմ թէ անգլիական կերպաս մըն է ատ :

Եւլալի. — Բուրդը անգլիական է . ներկուածքը՝ վիճեակեան :

Քսանքիպպէ. — Իր քնքըութիւնը կը գերազանցէ ամէնէն նուրբ ամուեղէնը : Ո՛րքան ոքանչելի է այդ ծիրանիին գոյնը : Ուրկէ եկաւ ձեզի այդ գեղեցիկ նուէրը :

Եւլալի. — Ամուսինէս :

Քսանքիպպէ. — Ո՞հ , ինչքա՞ն երջանիկ էք վիճակուած ըլլալով այդպիսի ամուսինի մը : Գալով ինծի , աւելի պիտի սիրէի կին ըլլալ տիսմարի մը , քան թէ սա Նիկոլիս :

Եւլալի. — Ինչո՞ւ ատիկա , կաղաչեմ : Տակաւին համաձայն չէ՞ք իրարու :

Քսանքիպպէ. — Երբեք չպիտի համաձայնիմ այդպիսի մարդու մը հետ : Կը տեսնէք թէ ինչպէս գէշ հագուած եմ . ու յանձն կառնէ որ իր կինը պէշ վիոլոց ելլէ : Թող մեռնիմ եթէ յաճախ այդպէս փողոց ելլէ : Թող մեռնիմ եթէ յաճախ դուրս ելլելուս ամօթահար չեմ՝ տեսնելով թէ ինչպէս լաւ հագուած են ուրիշ կիներ որոնք շատ աւելի աղքատ ամուսիններ ունին :

Եւլալի. — Պարկեշտ կնոջ մը դարդարանքը

ո՞չ իր հագուստին մէջ է ո՞չ իր անձին յանձանքին մէջ ինչպէս որ լսեցի Պետրոս առաքեալլը⁽¹⁾ , քանի մը օր առաջ , եկեղեցիին բեմէն , այլ իր բարքի անբծութեան ու սթափ նկարագրին մէջ :

Քսանքիպպէ. — Բայց հիմակու հիմա , այդ բարի ամուսինը , այնքան կծոտ իր կնոջ համար , շատ փութկոտ է մսկելու ոչմիջակ օժիտ մը որ ինձմէ ստացաւ :

Եւլալի. — Լուէ . կանիրաւիք նոյն իսկ ձեր անձին դէմ՝ գէշ խօսելով ձեր ամուսինի մասին : Բայց ըսէ՛ք ինծի , կուտի չէ՛ք բոնուիր անոր հետ երբ գիշերները տարածամ տուն կը դառնայ :

Քսանքիպպէ. — Անոր հետ կը վարուիմ ինչպէս որ կարմէ . լաւ կը կռահէ որ ես համր մը չե՞մ :

Եւլալի. — Ի՞նչ կը պատասխանէ :

Քսանքիպպէ. — Ի սկզբան կը պոռպրար ահուելիօրէն՝ կարծելով որ պիտի սրտաբեկէր զիս իր նախատինքներովք :

Եւլալի. — Վէճը հասած չէ երբեք մինչեւ հարուածի :

Քսանքիպպէ. — Անգամ մը միայն կռիւը այնպէս տաքցաւ որ քիչ մնաց իրար տիեկինք :

Եւլալի. — Աս ի՞նչ կը լսեմ :

(1) «Որոնց զարդարանքը ըլլայ դուրսէն մազերու հիւսուածքներով և ուղիներու շարքերով կամ շքեղ հանդերձներ հագնելով» , Պետ. Ա. Յ.

Քսանքիպպէ. — Քսաւազմն մը կը տատանէր՝
զարհուրելի աղաղակներ արձակելով ու ահոելիօրէն
պոչտալով սպառնալից :

Եւլալի. — Ու չվախցա՞ք :

Քսանքիպպէ. — Ո՛չ ամենեւին. ես ալ ձեռք
ձգած էի աթոռակ մը, ու, եթէ իր մատին ծայրովվը
դպչէր ինծի, զգացած կըլլար որ ձեռնատ մը չեմ:

Եւլալի. — Ահաւասիկ նոր տեսակ վահան մը:
Ուրիշ բան չէր պակսիր եթէ ոչ նիզակածե գա-
ւազան մը :

Քսանքիպպէ. — Զգացած կըլլար որ գործ
ունէր առնակնոջ մը հետ :

Եւլալի. — Ահ, սիրելի քսանթիպպէս, ատիկա
բոլորովին անպատշաճ է :

Քսանքիպպէ. — Ի՞նչ ընել պատշաճաւոր է:
Քանի որ ինծի հետ չի վարուիր իբրև իր կնոջ հետ,
պարտաւոր չեմ անոր հետ վարուիլ իբրև ամու-
սինիս հետ :

Եւլալի. — Ս. Պօղոս կը պատուիրէ որ կիները
հնագանդ լրջան իրենց ամուսիններուն ու ակնա-
ծանք ունենան անսնց նկատմամբ. Ս. Պետրոս մեղի
օրինակ կուտայ Սառան որ տէր կը կոչէր իր ամու-
սինը :

Քսանքիպպէ. — Գիտեմ ատիկա: Բայց նոյն
Ս. Պօղոսը կը պատուիրէ թէ ամուսինները պէտք է
սիրեն իրենց կիները այնպէս ինչպէս Քրիստոս

սիրեց իր հարար՝ Եկեղեցին: Թո՞ղ ան յիշէ իր պար-
տականութիւնը, ես ալ իմա կը յիշեմ:

Եւլալի. — Որովհետեւ գործը հասած է մինչև
այդ կէտը՝ ուր երկուքն մէկը պէտք է տեղի տայ,
արդար է որ կինը զիջում ընէ :

Քսանքիպպէ. — Եթէ սակայն կարելի է ամու-
սին կոչել մարդ մը որ զիս սպառնակի տեղ կը գոր-
ծածէ :

Եւլալի. — Հսէ՞ք ինծի, սիրելի՝ քսանթիպպէ,
անկէ ի վեր գաղրեցա՞ւ ձեզի սպառնալէ իր հար-
ուածներովը :

Քսանքիպպէ. — Դադրեցաւ, ու լաւ ըրաւ.
ապա թէ ոչ ափոցը կուտէր :

Եւլալի. — Եւ դուք չդադրեցա՞ք անոր հետ
կոռուելէ :

Քսանքիպպէ. — Զպիտի դադրիմ:

Եւլալի. — Ինքը, ան ի՞նչ կընէ այդ ատենը:

Քսանքիպպէ. — Ի՞նչ կընէ: Մերթ կը քնա-
նայ, անտաշը. մերթ սոսկ կը խնդայ. երբեմն ձեռք
կառնէ իր երեքաղեան կիթառը ու կը ճգրտացնէ
այնքան որ կարենայ խեղդել աղաղակներս :

Եւլալի. — Կը սրտմտի՞ք ատով:

Քսանքիպպէ. — Այնպէս որ կարելի չէ խօս-
քով արտայատել: Վայրկեաններ կուգան ուր ան-
կարելի է ինքզինքս զսպել:

Եւլալի. — Արեւելի՛ Քսանթիպպէ, ինծի կը
ներէ՞ք որ ձեզի խօսիմ անպատրուակ :

Քսանթիպպէ. — Կը ներեմ. խօսեցէ՞ք :

Եւլալի. — Կը վախնամ որ նոյն վարմունքը
ունենաք ինծի հետ : Իրաւունք մըն է որ մեզմէ
կը պահանջէ, օրոքսէ սկսեալ, մեղ իրար կապող
մտերմութիւնը :

Քսանթիպպէ. — Ճշմարիս կըսէք, ու երբեք
չունեցայ մտերմունի մը որ ձեզմէ աւելի սիրեւա-
գոյն ըլլար ինծի :

Եւլալի. — Ի՞նչ ալ ըլլայ ձեր ամուսինը, լաւ
խորհեցէք որ իրաւունք չունիք զանի փոխելու .
ձեր ամուսինը, կեանքերնուդ մինչեւ վերջը, ձեր
ամուսինը ըլլայ պիտի և դուք անոր կինը կը մնաք

Քսանթիպպէ. — Ի՞նչ ըսեմ անոնց որ մեզմէ
խլած են ապահարզանի իրաւունքը :

Եւլալի. — Ի՞նչ կըսէք: Քրիստոս ինքը ուզած
է ատիկա :

Քսանթիպպէ. — Ինծի դժուար է հաւասար
այդ բանին :

Եւլալի. — Այո՛, այդպէս: Ուրեմն ձիզի՝ եր-
կուքնուդ ալ, ուրիշ բան չի մնալու եթէ ոչ ճկիլ
իրարու ճաշակի և բնաւորութեան՝ ջանադիր ըլ-
լալով ներդաշնակ ապրելու:

Քսանթիպպէ. — Միթէ կարելի է դանի վե-
րաստեղծել :

Եւլալի. — Կիները մեծ ազդեցութիւն կը բա-
նեցնեն իրենց ամուսիններու վրայ :

Քսանթիպպէ. — Դուք միշտ ներդաշնա՞կ էք
ձեր ամուսինին հետ :

Եւլալի. — Հիմա խաղաղ է ամէն բան :

Քսանթիպպէ. — Ուրեմն կա՞ր իսկզբան վըր-
դով մը :

Եւլալի. — Ո՞չ երբեք փոթորիկ. սակայն՝
ինչպէս որ կը պատահի կեանքի մէջ, մերթ կը
բարձրանային փոքր ամպեր որոնք պիտի կրնային
փոթորիկ յարուցանել եթէ քաղցրութիւնը խափա-
նարար չըլլար: Իւրաքանչիւր ոք ունի իր առանձին
կարծիքը, ու, անպատրուակ խօսելով, իւրաքան-
չիւր ոք ունի իր սեփական թերութիւնները. բայց
կան պարագաներ ուր ճանչնալու ենք զանոնք և
ոչ թէ ատել, ու անշուշտ, ամուսնութեան մէջ
ատիկա :

Քսանթիպպէ. — Յաճախ կը պատահի որ մի-
աբանութիւնը անհետ կըլլայ էրկան ու կնոջ մէջ-
տեղը՝ դեռ զիրար չճանչցած: Պէտք է շատ զգու-
շութիւն ընել այդ մասին: Սնգամ մը որ դժուա-
թիւնը պոոթկացած է, համաձայնութիւնը դժուա-
րաւ կը վերածնի, մանաւանդ երբ մինչեւ անտաշ
նախատինքներ յառաջ զացած են: Սոսնձուած
առարկայ մը, փակչուած թէ ոչ, դիւրաւ կան-
ջատուի. բայց անդամ մը որ սոսինձը չորցած է
առարկային վրայ, ալ ոչ մէկ բան չի զօրեր անոր

ամրութեանը : Ուստի՝ ոչ մէկ բան զանց ընելու է առաջին րոպէէն սկսեալ , որպէս զի անվրդով դաշնակութիւնը աճի ու հաստատուի էրկան ու կնոջ մէջտեղը : Այս մասին՝ ամէն բան կը յաջողցնեն կամարարութիւնն ու հեղութիւնը : Որովհետեւ սովորաբար վաղանցիկ է այն սիրախառնութիւնը որ գեղեցկութիւնը կը ներշնչէ :

Քսանքիպպէ . — Բայց , կաղաչեմ , պատմեցէք ինձի թէ ի՞նչ միջոցներով յաջողեցաք ձեր բնաւորութեանը ձկել ձեր ամուսինը :

Եւլալի . — Բաեմ պիտի որ դուք ալ ինձի պէս ընէք :

Քսանքիպպէ . — Եթէ կարենամ :

Եւլալի . — Շատ դիւրին է , եթէ ուզէք : Տակաւին ժամանակ կայ . երիտասարդ է ձեր ամուսինը , դուք ալ նոյնպէս . տարի մը կայ ու չկայ , կարծեմ , որ դուք ալ ամուսնացած էք :

Քսանքիպպէ . — Ճամարիտ է :

Եւլալի . — Ուրեմն ըսեմ պիտի , բայց սա պայմանաւ որ այդ մասին բնաւ խօսք մը բերան չառնէք :

Քսանքիպպէ . — Վստահ եղէք :

Եւլալի . — Նախապէս ջանադիր եղայ , ամէն բանի մէջ , կամարար ըլլալ ամուսինիս ու երբեք գէմ չգալ անոր : Կուսումնասիրէի իր բնաւորութիւնն և իր ճաշակները , իր դէմքին վրայ կը նկա-

տէի ինչ որ հաճելի էր իրեն և կամ անհաճոյ , ճիշդ անոնց պէս որոնք կընտելացնեն փիզեր , առիւծներ և կամ ուրիշ անբաններ որ կարելի չէ բռնաբար նուաճել :

Քսանքիպպէ . — Այդ տեսակ կենդանի մըն է տանը մէջ ունեցածս :

Եւլալի . — Անոնք որ փիզերուն կը մօտենան ձերմակ չե՞ն հագուիր . անոնք որ ցուլերը կը ինսամնն՝ կարմիր չեն հագուիր . որովհետեւ տեսնուածէ որ այդ գոյներէն կը խրաչին այդ անսասունները : Նոյնպէս դիտուած է թէ թմբուկին որոտը այնքան մոլեգնաբար կը կատղեցնէ վագրերը որ զիրար կը բզկուին : Անոնք որ ծիւրը կընտելացնեն՝ խօսքեր կը հնարեն ու լեզուի բազմիւններ , գգուանքներ և ուրիշ միջոցներ՝ անոնց մոլեգին թափը մեղմելու : Ուրեմն մենք ա'լ աւելի պարտական ենք այդպիսի հնարքներ գործ դնելու մնք ամուսիններունկատմամբ , որոնց հետ , ուզենք չուզենք , պիտի անցնենք մեր բոլոր կենցաղական գոյութիւնը :

Քսանքիպպէ . — Շարունակեցէք պատմութիւնը :

Եւլալի . — Դիտողութեանս համեմատ՝ ամուսինիս բնաւորութեանը համակերպեցայ , փոյթ տանելով որ տեղի չտամ գոյդն հակառակամարտութեան :

Քսանքիպպէ . — Ի՞նչէս կընէիք :

Եւլալի . — Առանին յանձանձանքի մէջ , որ

իսկապէս կնոջ գործ է, մտադիր կըլլայի ոչ միայն բան մը զանց չընել, այլ բոլորովին հաշտ ու հաւան դնալ իր ճաշակներուն, նոյն իսկ ամենէն փոքր բաներու մէջ :

Քսանթիպպէ. — Աս ի՞նչպէս :

Եւլալի. — Կը դիտէի, զոր օրինակ, թէ ամուսինս աւելի կը սիրէր այսինչ կամ այնինչ կերակուրը, թէ՝ կուզէր որ համեմուած ըլլար այս ու այն եղանակաւ. թէ՝ կը փափագէր որ անկողինը յարդարուած ըլլայ այս կամ այն ձեւով :

Քսանթիպպէ. — Բայց կարենալ համակերպիլ ճաշակին այն մարդուն որ երբեք տանը մէջ չէ՛ և կամ տուն կը մտնէ հարբած վիճակի մէջ :

Եւլալի. — Սպասեցէք, հոտ է որ կուզէի գալ: Եթէ դիպուածով քիչ մը տխուր տեմնէի ամուսինս, եթէ խօսակցելու ժամը չէր, փոխանակ խնդալու և կատակարանելու, ինչպէս կընեն մեծ մոսամբ կիները, ես ալ, իմ կարգիս, լուրջ և հոդած կերպանք մը կառնէի: Հայելի մը, երբ հաւատարիմ է, միշտ կը ցոլացնէ նայողին պատկերը. այդպէս ալ՝ ընտանիքի մը մայրը պէտք է ցայտեցնէ իր ամուսինին տպաւորութիւնները, ու չըլլալ խընդագին՝ երբ ան վիշտ մը ունի, չըլլալ գուարթ՝ եթէ ան սրտնեղութիւն մը ունի: Եթէ պատահէր որ ամուսինս գտամնած ըլլար, կանդորէի զինքը անուշ խօսքերով, կամ թէ լուռ կը կենայի իր բարկութեանը առջն, թող տալով որ ինքնին անցնի, և

ժամանակ տալով իրեն՝ իր արդարացումը ընելու և կամ իմ կշտամբանքս ընդունելու: Այդպէս կընէի ամէն անգամ որ տուն կը մտնէր՝ չափէ աւելի հարբած վիճակի մէջ: Իսկ այդ բոպէին՝ միմիայն աղուոր խօսքեր կընէի:

Քսանթիպպէ. — Ո՛րքան ողբալի է կիներու վիճակը եթէ միմիայն տեղի պիտի տան իրենց ամուսիններուն երբ անոնք կը զայրանան, կը գինովնան ու կը հետեւին իրենց անձնահաճ կիրքերուն:

Եւլալի. — Սյդ մեծարանքը փոխադարձ չէ՝ միթէ: Սյր մարդիկ, իրենք ալ, յաճախ ստիպուած են տեղի տալ մեր բնաւորութեանը: Սակայն և այնպէս՝ կան պարագաներ ուր կինը, ծանրակշոշարժաւուիթով մը, կրնայ դիտողութիւններ ընել իր ամուսինին եթէ կարժէ նեղութիւն յանձն առնել այդ մասին, որպէս հետեւ աւելի լաւ է ուշադիր չըլլալ սնուսի բաներու:

Քսանթիպպէ. — Ե՞րբ է աս :

Եւլալի. — Երբ պալարիւն տեսնէք զանի, երբ հոգած չէ՛ ան, ոչ հարբած, այն ատենը, առանց վկայի, պիտի կարենաք մեզմով ազդարարութիւն ընել անոր, կամ մանաւանդ աղաչել՝ իրեն յիշեցնելով այս ու այն պարագան, — ա՛լ աւելի խնացնել իր գրամին, իր համբաւին, կամ իր առողջութեանը: Սյս դիտողութիւնները առաջ բերուելու հարհանակից և սթափ ոճով մը: Երբեմն կը սկսիմ են չնորհալից և սթափ ոճով մը: Երբեմն կը սկսիմ պահանջել ամուսինէս որ ինծի դէմ չնեղանայ եթէ

իր կինը տխմարութիւն կ'ունենայ անոր խորհրդատու ըլլալ իր պատիւին, իր առողջութեանն ու իր կեանքին համար: Երբ ըսած եմ ինչ որ կուզեմ, կարձ կը կապեմ ու կանցնիմ աւելի հաճոյական նիւթերու: Որովհետև ահաւասիկ մեր ամենամեծ թերութիւնը, սիրելի Քսանթիւպէս. անգամ մը որ կը սկսինք խօսիլ, ալ վերջը չենք բերեր:

Քսանթիւպէ. — Կըսեն:

Եւլալի. — Մանաւանդ շատ զգուշաւոր էի երբեք յանդիմանական բան մը չըսել ամուսինիս գուեհիկ մարդոց առջև և ոչինչ հրապարակ հանել առանին պայքարներէն: Աւելի դիւրաւ կըլլայ հաշտութիւնը երբ բան մը անցած է երկուքի մէջտեղ: Սակայն, եթէ բան մը տեղի ունենար այնպիսի հանգամանքներով որ կարելի չըլլար հանդուրժել, և թէ կնոջ յանդիմանութիւնները չկարենալին դարման մը ըլլալ, աւելի պատշաճագոյն պիտի ըլլար որ կինը իր գանգատները լսելի ընէր ամուսինին ծնողքին կամ խնամիներուն քան թէ իրեններուն, ու, իր տրտունջի պատճառները թուարկելէ ետքը, այնպէս մը ցոյց տար որ ա՛լ աւելի մեղադրէր իր թերութիւնները քան թէ իր էրփկը: Ու ամէն բան ալ ըսելու չէ, որպէսզի ամուսինը ներքնապէս համոզուի իր կնոջ զգուշաւորութեանը և հաճութիւն ունենայ անոր:

Քսանթիւպէ. — Այսպէս ընելու համար՝ փիլիսոփայ ըլլալու է:

Եւլալի. — Բայց ոչ: Այդ ընթացքով կը գըրդենք մեր ամուսինները՝ այն բանը ընել տալու մեզի:

Քսանթիւպէ. — Այսպիսիններ կան որ կարելի չէ ուզգութեան բերել՝ ամէն հնարաւոր զգուշութիւնները գործ դնելով:

Եւլալի. — Ես բնաւ այդ կարծիքն չեմ. բայց ենթագրենք որ ճշմարիտը ըսէիք: Նախ և առաջ խորհեցէք որ պէտք է հանդուրժել ամուսինի մը ինչ որ ալ ըլլայ: Ուրեմն աւելի լաւ է հանդուրժել անոր, կամ քիչ մը մեղմացնել մեր զգուշաւորութիւններովը զանի քան թէ հետզհետէ վատթարացնել մեր չարաչար վարմունքներովը: Ի՞նչ պիտի ըսէիք եթէ յիշատակէի այնպիսի ամուսիններ որոնք իրենց կինները զգաստութեան բերին յար և նման զգուշութիւններով: Մենք ա՛լ աւելին պարտաւոր ենք ընել մեր ամուսիններուն:

Քսանթիւպէ. — Տեսնենք պատմութիւնը այն ամուսինին որու համար կըսէիք թէ այնքան տարբեր է իմինէս:

Եւլալի. — Մտերմութեամբ կապուած էի կիրթ և աղնուական մարդու մը: Սա իրեն կնութեան առած էր տասնըութը տարեկան նորատի աղջիկ մը, որ, իր ծնողքէն անբաժան, մեծցած էր ամարանոցի մէջ ըստ սովորութեան այն աղնուականներուն որոնք ընդհանրապէս, որսորդութեան և ձկնորսութեան համար, դաշտի կեանքը կը սիրէին: Իբր նորընծայ առաւ զանի, որպէս զի իր բնաւորու-

թեանը համեմատ ձեւի բերէ : Սկսաւ զրականութիւն ու երաժշտութիւն դաս տալ անոր . քիչ քիչ վարժեցուց կրկնել համառօտակի ինչ որ ըսած էր քարողի ատեն . ընտելացուց այն ամէն ծանօթութեանց որոնք կրնային , օրին մէկը , իրեն օգտակար ըլլալ : Կեանքի այդ պայմանը՝ բոլորովին նոր մանկամարդ կնոջ մը համար որ իր տունը ապրած էր կատարեալ անգործութեան մէջ , իր ծառաներուն խաղերու և խօսակցութեանցը մէջ , խրտչեցուց զանի : Յանձն չէր առներ հնազանդիլ , ու երբ իր ամուսինը կը պնդէր , կողբար ան ջերմ արցունքներով . երբեմն ալ գետինը կիյնար՝ գլուխը տախտակամածին զարնելով իրբեթէ ինքզինքը սպաննել ուզէր : Որովհետև վերջը չէր գար այդ ներգամիտ ընթացքին , ամուսինը , պարտկելով իր դժգոհութիւնը , կնոջը առաջարկեց , ժամանակ անյնելու համար , ամարանոցը միասին այցելութեան երթալ աներոջք : Կինը սիրով հնազանդեցաւ այս անդամ : Ամուսինը , երբոր հասան , կինը թողուց իր մօրն ու քոյրերուն քով , և ինքը որսի ելաւ աներոջը հետ : Հոտ , առանց վկայի մը , պատմեց թէ կը յուսար իր կնոջմովը գտնել կեանքի անուշիկ ընկեր մը , բայց ան ուրիշ բան չէր ըներ եթէ ոչ լալ , կոծել՝ խուլ մնալով իր բոլոր գիտողութեանցը : Երդուընցուց զանի ձեռընտու ըլլալ իրեն՝ իր աղջկան հիւանդութիւնը բուժելու համար : Աները պատասխան տուաւ թէ իր աղջիկը խսպառ անոր թողուած էր , ու եթէ չէր հնազանդիր , կրնար իր

ունեցած իրաւունքը գործ դնել՝ անոր լաւ ծեծ մը քաշելով : «Գիտեմ թէ ի՞նչ է իրաւունքս , կը պատասխանէ փեսան , բայց , փոխանակ դիմելու այդ ծայրայել միջոցներուն , նախապատիւ համարեցի , իբրև գարման օժանդակ ունենալ ձեր կենցաղագիտութիւնն ու հեղինակութիւնը» : Անոր խոստացաւ գործին միջամուխ ըլլալ : Ու երկու օր ետքը , իր աղջկանը հետ առանձինն մնալու առիթը գտաւ : Այն ատեն՝ լուրջ դէմք մը առնելով , անոր նկարագրեց թէ իր ունեցած քիչ մը գեղեցկութիւնն և անչնորհք բնաւորութիւնը որքան զինքը վախցուցած էին չկարենալ գտնելու ամուսին մը : «Սակայն , աւելցուց , վնառելով վնառելով , վերջապէս ձեզի գտաւ այնպիսի ամուսին մը , քան որ լաւագոյնը չէր կրնար գտնել ամէնէն անստգիւտ կինը : Լաւ ուրեմն , փոխանակ ճանչնալու ինչ որ կրցի ընել ձեզի համար , փոխանակ ըմբռնելու որ եթէ ձեր ամուսինը չըլլար ամենէն բարեացակամ մարդը , դժուարաւ ձեզ իրբե սպասուհի պիտի ուզէր , կընդուսանաք իրեն դէմ» : Կարճ խօսքով , հայրը , իր աղջկանը խօսելու ատեն , այնպէս տաքցաւ որ քիչ մնաց տփէր զանի : Մարդ մըն է որ՝ անհունքի մտացի , կարող ամէն տեսակ դերեր խաղապէս մտացի , կարող ամէն տեսակ դերեր խաղապէս զիմակի : Այն ատեն մանկամարը կինը , մէկ կողմէ վախով պատուած , միւս կողմէ հրապարակագոյժ ըլլալու երկիւզով , հօրը ծունկերուն պարեցաւ՝ աղաչելով որ անցեալլ մոռնայ ու երգում ընելով այնուհետեւ անոր երախտագէտ ըլլալ

իր բնաւորութեանցը համար։ Հայրը ներեց ու իր աղջկանը խոստացաւ՝ ամէն խանդաղատանք ու նենալ իրեն համար եթէ տուած խօսքը պահէր։

Քսանքիպպէ. — Յետո՞յ։

Եւլալի. — Մանկամարդ կինը, հօրը քովէն դուրս ելլելէ ետքը, մոտաւ իր սենեակը ուր առանչին էր իր ամուսինը։ Փաթթուեցաւ անոր ծունկերուն և ըստ։ «Սիրելի՛ ամուսին, մինչև այսօր չէի ճանչցեր քեզ, ինքզինքս ալ չէի ճանչցեր. այսունետեւ բոլորովին փոխուած պիտի գտնես զիս, միայն թէ մոռնաս ինչ որ անցած է»։ Այս խօսքերուն վրայ, ամուսինը փարեցաւ անոր՝ խոստանալով ամէն բան շնորհել իրեն եթէ կը յարատեւէր այդ որոշումին մէջ։

Քսանքիպպէ. — Լաւ ուրեմն. յարատեւէ՞ց։

Եւլալի. — Մինչև մահը։ Զկար ստորին բան մը որ չենէր իմնդագին և փութկոտ աճապարանքով՝ իր ամուսինին համելի ըլլալու համար. այդքան զօրութիւն ստացած էր զիրենք միացնող սէրը։ Քանի մը տարի ետքը, այդ մանկամարդ կինը յաճախ երջանիկ կը համարէր ինքզինքը՝ վիճակուած ըլլալով այդպիսի ամուսինի մը։ «Առանց ատոր, կըսէր, կիներու մէջ ամենէն չարաբախտը պիտի ըլլայի»։

Քսանքիպպէ. — Այդպիսի ամուսինները այնքան հազուագիւտ են որքան սպիտակ ագուաւները։

Եւլալի. — Չեզի ուրիշ օրինակ մըն ալ բերեմ։

Մեր դրացին, ուղղամիտ ու առաքինի մարդ, այլ բնաւորութիւններովը փոքր ինչ ցասկոտ, օր մը զարկաւ կնոջը։ Կինը, ամէն գովասանքի արժանի, վանք քաշուեցաւ ու հոն, ողբալով, հեծելով, թուլցուց իր վշտին երասանակը։ Ամուսինը, քիչ մը ժամանակ անցնելէ ետքը, դիպուածով այդ վանքը մտաւ ու իր կինը տեսաւ արցունքներու մէջ։ «Ինչո՞ւ կողքաս ու կը հեծեծես, կըսէ, երախայի մը պէս»։ Կինը պատասխանեց սա խմասով։ «Աւելի լաւ չէ՞ հոս ողբալ իմ աղետքս քան թէ պոռպուալ փողոցին մէջ ինչպէս կընեն զրեթէ ամէն կիները»։ Ամուսինը, յաղթահարուած ու զինաթափ կիները։ Ամուսինը, յաղթահարուէ մը, բռնեց կնոջը ձեռքէն ու խոստացաւ ալ չզարնել անոր, ու խօսքը պահեց։

Քսանքիպպէ. — Ես ալ քանիցս խոստում պուած եմ իմինէս այլեւայլ միջոցներով։

Եւլալի. — Բայց, հիմակուհիմա, միշտ կոխի մէջ էք։

Քսանքիպպէ. — Ի՞նչ կուզէիք որ ընէի։
Եւլալի. — Նախ և առաջ պէտք է չտեսնելու գալ ձեր ամուսինին բոլոր անիրաւութիւնները, ու զանի հաշտեցնել կանխանքով (prévenance), մեծարանքով ու քաղցրութեամբ։

Քսանքիպպէ. — Այնքան բիրտ է որ աշխարհի բոլոր կանխանքները չպիտի մեղմացնեն զանի։

Եւլալի. — Ահ, մի՛ ըսէք ատիկա։ Զկայ վայ-

րենի գաղան մը որ յարատե ինամքով վերջապէս չընտանենայ։ Ուրեմն՝ մի յուսասիք մարդէ մը։ Քանի մը խօսքեր փորձեցէք, ու եթէ տեսնաք որ իմ խորհուրդս դերե ելլէ, ինծի յանդիմանութիւններ ըրէք։ Ուզէք չուզէք՝ պիտի ապրիք ձեր ամուսինին հետ։ Ուրքան լաւցնէք զինք, այնքան աւելի կը շահիք։ Դուք աչուրնիդ կը սրէք միմիայն անոր թերութեանցը վրայ։ Կը կրկնապատկեն ձեր ատելութիւնը, և դուք կերկնաք բռնելու ճիշդ այն անկէն որ կարելի չէ բռնել։ Քննեցէք մանաւանդ ինչ որ լաւ է ու ձեռք երկնցուցէք այն անկին որ կարելի է բռնել⁽¹⁾։ Ամուսնանալէ առաջ, պէտք է գիտակ ըլլայիք իր բոլոր անկատարութեանցը, որովհետեւ ոչ թէ միայն աչքերով, այլ ականջով կը լայ ամուսինի մը ընտրութիւնը։ Հիմա հարցը ուրիշ բանի մասին չէ, այլ բժշկել և ոչ թէ ամբասանել։

Քսանքիպպէ. — Ո՞րն է այն ամուսինը որ երբեք ամուսին մը ընտրած է ականջներով։

Եւլալի. — Աչքերով կը նտրուի ամուսին մը երբ նկատի կառնուին անոր մի միայն արտաքին առաւելութիւնները, ու ականջներով։ Երբ ինամքով կը տեղեկանաք այն ամէն բանի որ կը սուի իր մասին ընկերութեան մէջ։

(1) Բատ Եպիկտետի, ամէն բան երկու անկ ունի. մէկը դիւրաւ բռնելիք, միւսը՝ ոչ, այսինքն՝ ամէն բան իր առաւելութիւնն և իր անպատճենութիւնը ունի. Յիմարը կափոկէ—սորուցուցէշ անկը, ու իմաստոնը՝ լաւ անկը։

Քսանքիպպէ. — Իրաւունք ունիք, բայց տարաժամ։

Եւլալի. — Բնաւ տարաժամ չէ ջանալ ուղղութեան բերել ամուսին մը։ Ի՞նչ կը սեն ամուսինիդ համար իր բարեկամները, իր ծանօթները։

Քսանքիպպէ. — Կը սեն թէ շատ համբոյր բնաւորութիւն մը ունի, քաղցր, վեհանձն, լաւ ընկերէ։

Եւլալի. — Ստիկա միծապէս կը յուսացնէ զիս օր մը տեսնել զանի ինչպէս որ կուզենք։

Քսանքիպպէ. — Միայն ինծի համար բոլորին տարբեր բան է։

Եւլալի. — Դուք ալ ձեր կողմէ, անոր նկատմամբ, հանդիսացէք այնպէս ինչպէս որ ըսի. ու եթէ, ձեր նկատմամբ, չփոխուի, Եւլալի մի կոչէք զիս, այլ Բգկօսալի⁽¹⁾։ Խորհեցէք որ տակաւին երիտասարդ է, կարծեմ՝ հազիւ քսանընորս տարեկան, դեռ չի գիտեր թէ ի՞նչ է ընտանիքի մը հայրը։ Ընտանիքի մը մօրը ամէնէն գեղեցիկ բարեմանութիւնն է հնագանդ ըլլալ իր ամուսինին։ Իր իսկական բնութեամբը ըմբռնեցէք իրը։ ձեր ամուսինն է, չէք կը նար ուրիշ մը ունենալ, խորհեցէք յետոյ այն փոքրիկ էակը որ կը վերաբերի ձեր երկուքին։ Ի՞նչ պիտի ընէք զանի։ Պիտի տանիք ձեզի հետ։ Պիտի զրկէք ձեր ամուսինը անոր վրայ

(1) Ցունարենէ առնուած այդ երկու անունները կը նշանակեն, Եւլալի՝ ան որ բարին կը խօսի, Բգկօսալի՝ ան որ ստախօս է։

ունեցած իրաւունքներէն։ Պիտի թողովւք իրեն։ Պիտի կապտէ՞ք ինքզինքնիդ՝ ձեր ամենէն աւելի ունեցած սիրելի էակէն։ Վերջապէս ըսէ՞ք ինծի։ ունի՞ք ուրիշներ որ ձեզի չարեացակամ են։

Քսանքիպպէ. — Ունիմ կեսուրս, յետոյ տալս որոնք իրեն կը նմանին։

Եւլալի. — Ձեզի շատ չարեացակամ են։

Քսանքիպպէ. — Կուզեն որ մեռնիմ։

Եւլալի. — Շատ լաւ. աչքի առջև ունեցէք այդ կիները։

Քսանքիպպէ. — Ուրիշ ի՞նչ աւելի մեծ գոհ հունակութիւն պիտի կարենայիք հայթայթել անոնց քան տեսնել ձեզ զատուած ձեր ամուսինէն, այրի՛, ի՞նչ կըսեմ, այրիէ մը աւելի, որովհետեւ այրի մը աղատ է նորէն ամուսնանալու։

Քսանքիպպէ. — Ստուգիւ կը հաւանիմ ձեր խորհուրդին, բայց մշտատե տաժանքը որ անհրաժեշտ է՝ կը խրաչեցնէ զիս։

Եւլալի. — Միտք բերէք այն բոլոր նեղութիւնը որ յանձն առիք քանի մը խօսք յօդել սովորեցնելու սա թութակին։

Քսանքիպպէ. — Անշուշտ շատ նեղութիւն քաշեցի։

Եւլալի. — Եւ դուք կը տատամսիք ամուսին մը կարգի բերելու տագնապին առջև, ան՝ որունետ զուարթագին անցնէք պիտի ձեր բոլոր կեանքը։

Մարդիկ ի՞նչ տաժանք յանձն չեն առներ մարզելու համար ձի մը, ու մենք կը արանջանք այն աշխատանքէն երբ հարցը կուգայ աւելի քաղցրաբարոյ ընելու մեր ամուսինները։

Քսանքիպպէ. — Ի՞նչ ընելու եմ։

Եւլալի. — Արդէն ըսի ի՞նչ որ պէտք է։ Ինամք ունեցէ՞ք որ ատունը լաւ պահուի, որպէս զի ձեր ամուսինը պէտք չունենայ գուրս ելլելու։ Իրեն նկատմամբ՝ քաղցրահամբոյր եղէք, առանց սակայն մոռնալու որ կինը պարտաւոր է անկեղծ մեծարանք ունենալ իր ամուսինի նկատմամբ։ Ծանօթ էք ձեր ամուսինի ճաշակներուն։ Իրեն պատրաստեցէ՞ք ի՞նչ որ աւելի կը սիրէ։ Քաղցը ու կանխոս եղէք իր բարեկամներուն համար։ յաճախ սեղանի հրաւիրեցէք զանոնք։ Զանացէք այնպէս ընել որ ձեր հրաւիրեալները զուարթ ու խնծղուն ըլլան։ Այս կերպով՝ կը վարժեցնէք զանի տունը կենալու և կը նուազեցնէք ձեր ծախքերը։

Քսանքիպպէ. — Կը հաւատա՞ք որ պիտի յաջողիմ եթէ փորձեմ։

Եւլալի. — Վստահ եղէք ինծի։ պատասխանատու կըլլամ։ Հիմակուհիմա, տեսնեմ պիտի ձեր ամուսինը՝ այդ դասը իրեն ալ աւանդելու։

Քսանքիպպէ. — Կը գովեմ ձեր մոսդրութիւնը, բայց ջանացէ՞ք որ բնաւ կասկած մը չունենայ, ապա թէ ոչ՝ կրակ ու բոց կը տեղայ։

Եւլալի. — Մի՛ վախնաք։ Անուղղակի կերպով

պիտի յորդորեմ զինքը՝ ինծի պատմելու ձեր կոխւները : Առկէ ետքը՝ պիտի բերեմ դասիս, փաղաքշելով, և յոյս ունիմ զինքը բարեհամբոյք ընել ձեզի : Եթէ հարկ ըլլայ, պիտի ստեմ ձեր մասին ու ըսեմթէ իրեն նկատմամբ սրտագին ոճով խօսածքը ինծի :

Քսանթիպակ. — Թող Աստուած օրհնէ մեր խորհուրդը :

Եւլալի. — Պիտի օգնէ մեզի, միայն թէ չմատնէք :



ՎԵՐՋԱԲԱՆ

Ամուսնալուծութեան տիրանալէ ետքը, այսպիսի գրբոյկի մը նորութիւնը անցած պէտք է համարել, գուցէ շատերու կարծիքով։ Ու այսուհետեւ, պարզաբար, քմծիծաղ մը պատի յաւաշ բերէ պակաղիր քահանային, պսակի արարողութեան առթիւ, հարսին շղարշին տակէն ու փեսային պատկառուտ շրթունքներէն թուած «այո»ներու պաշտօնական արտասանութիւնը։ Ի՞նչ պիտի ըլլայ ուրեմն։ բարքերու անհամաձայնութիւն, մէկ երկու անշնորհք բառեր, կրրոտ բոպէի մը մէջ արտասանուած, բաւական պիտի ըլլան խզել իսպառ առաջին ամուսնութիւնը որ անդրանիկ ուխտերով, կեանքի ամենէն տաք սէրերով օծուած է։

Այդ տեսութեամբ, շատ խախուտ բան մը պիտի ըլլայ ամուսնութիւնը, ու հիմա, այդ թոյլտուութիւնը մեռք բերուած ազգերու մէջ, ամուսնութիւնները փոխուած ըլլալու էին երկրորդ, երրորդ եւ գուցէ չորրորդ ամուսնութեանց, ու այդպէս աստիճանաբար վար իջած։ Բայց այդպէս չէ։ ամուսնալութեան թոյլտուութիւնը երբեք վնասած չէ ամուսնութեան հաստատութեանը, ու, ընհակառակն, շա'տ տկարացած է ապահարզանը։ Եթէ յառաջազոյն կրօնքի պարզ ըմբռնում մը, աւելի մոլեռանդութեամբ խառն, պինդ բռնած էր ամուսնութիւնները, հիմա պարտականութիւնն է որ բարձր կը բռնէ առաջին սէրերու ուխտը՝ անմասնուէր արութեամբ տանելի ընելով երկու կեանքի մէջ բաժնուած ընկերական կեանք մը։ ուրկէ կախում

ունի տան մը շինութիւնն եւ օրհնութիւնը, եւ ուրկէ կախում ունի մանուկ-կեանքը. — ազգերու, ցեղերու եւ տուներու ապագան.

Մեր Պատրիարքարանի մէջ սովորութիւն եղած է. խօսք-կապի վերջին օրը, երկու տետրակ յանձնել տաներէցին, մէկը հարանցուին տալու եւ միւսը փեսացուին. Բարի հօր մը, ինչ-պէս կը վայլէ մեր Պատրիարքարանի, բարի խրատներովը լիքն է տետրակը այն կեանքին համար որ կը սկսի պատկէն ետքը. Կը յիշեմ այդ զիրքը, հաստ մըն ալ ինծի եղած էր նշանտուքիս օրը, թղթէ կարմիր երեսներով. Բայց ի՞նչ մեղքս պահեմ. ո՞չ բառ մը, ո՞չ բան մը կը յիշեմ ատոկէ. ըսել կուզեմ թէ տեւական արդիւնք մը տեսնուած չէ այդ խրատականներէն. Խրատները կրնան լսուիլ կամ ոչ. բայց համոզումները կը մնան գրոցով մարմարին վրայ փորուած զիժերու պէս:


Այս գրքովի թարգմանիչին համոզումն է թէ Պատրիարքարանի կարմիր տետրակներէն անմիջապէս ետքը այդ թերթիկները կրնան գործ մը տեսնել, միշտ նոր, միշտ համոզվեր, իբրեւ ուղեցոյց մը ամուսնական կեանքի վրայ ուր կարմրագեղ վարդին հետ՝ տատասկն ալ կը ցցուի քստիսափուշ, եւ ուր լուսեղին ճամանչերու հետ՝ մթին ստուերներ կերկնան տարանոտ:

ԹԱՐԳՄԱՆԻՑ



50}.

.(10)



ՀՀ Ազգային գրադարան



NL0051133

ՀՀ Ազգային գրադարան



NL0051132

ՀՀ Ազգային գրադարան



NL0051131

ՀՀ Ազգային գրադարան



NL0051130

ՀՀ Ազգային գրադարան



NL0051129

ՀՀ Ազգային գրադարան



NL0051128

